

tjig ag epitetjtij Tjeni Lalóg, gesigoagitg: "Sesos Ogamlamon teli igalase ni Gotjino Papeoit tesonemigsilitji". Gagiag na patlias elapalati pesgemgeog ag ignemoatji elpatotj ag epitetjtij.

Niganpogoit maoiómigtog, Taniel Pelnape, pematóg goltjieoei póggtji gigtógualsotmatjig alasotmógooing, matjolgaoatemititj sapeoig Ogamlamoni mtaoegen ag mset mitj-oatjtij itapositjig ag patlias ag notnaotitjig.

Tan teli epgitjeg gigtógoi alaso-tmamg miltaoemgeoei tlei sapeoig ogamlamon getapegiasep nespi pigoemgel.

Maoui olamogoeg oen nemison celi pogoelgig aptjetjtjoltitjig maltjolgoolatitjel Sesos ognapoigigenmel ranig peoatemititj ogesalaneo ag otleiaoltineo.

Pogoelgig mimatjainog ag amotj onngigoag egtemitelsoltitogonig onemianeo ontjanoóoa teli olatagatilitj, ag sapeoltititji. Mset oen oetjotog olten geginamatineoei.

Esgemetag teoitatiog alasotmogoómg egimatitji sonmin neogtisesilitji.

Tógó totjio geginamógooímg elatjig tan etli ogsoatotitj gelolg milasoagan. Soitisel ignemotel ag elmitatjig oeltasoltitjig. Gogontag gelolg ag pitag migoiteltingeoei ogtjit ola gelolg nagoeg.

NOTJI OIGIGET.

Pansegeoei Agnotemagentjtijpon. tepp. 9 tes. 1911— meta oelgatig na gtjtjtjoltineno gino tan tesigo migmaoigo tan teli milgatemotigo ag tan teli olaltitigo, gola. man gtjtjtjoltitesno istege oeni maoui oigmagaltitigoel. Nige agnotasig tan gógoei paseg oesgeoitasiog oeltasingeg agnotemaganola cimotieg, maoui gelolg tan teli mimatjoltieg ag tan teli gelolg pemaogooagan gegonemeg. Ola mógoe luim gesi atignetaoeg otjt mimatjooagan teli msenemeg, Nisgam ignemoinameg, mset nige ap apatji olóltieg, nige mógoe oen gesinogoag, gato getjigaogel na gesinogotieg, na nige oelóltieg ag oeltasoltieg.

Nige ola pemiagal, nagoegel pemi alasotmaganigisgegela, me eimotitjig api tgótemotipenig manteng negla noeoleimgeg oelagoeg, sgemtog ponaneoimgeg, pigoelgag pegisingag petji ponaneoltitjig epitesgig pigógp tlegig, ag ninen maoui oltasoltiteg nógmenag natji ponane oigtoinemetj; tjel glapis oenagatoeg gelolg papoagentjtij elegeoiatimgeg, istege emgel sagaoegig elnog-oig telatagatitj, tloenes ólpasnagig posgi elegeoiatisenig, naninen telamog papoagen oenagatotitj elpatotjig, elotjig elegeoir ag elegeoisgo, tjinem teloisit Pól N. Golnepil, sgemtog epites Matlentjtij Nagot, teloisit notji gtomoeit Sopi Aoóg, ag gelolg amalgeoagan teloitasiog tintiataotjtij gotji amalgat glapis geoietg elogtising msagsagtog. O me gato gelolg papoagentjtij mset oen gesatg ag maoui oltasoltieg; mógoe gógoei ópelteg eitnog gisna tan gógoei mo geloltenog paseg oesgeoitasiog neg. Nin A. S.

Alsepe gtagamgog oetji msenasig gelosoagan, gis sag mógoe gógoei notmameg ag mógoe agnotemaganinog, paseg pigoeltjtijitjig Inog migmag natel ag mset oelóltitjig.

Neogtetjtij tjinem gis sag oesoatóg solnaltjtij.

—o—

Pilei agnotemagani oigatigen patlias aniapsoinog póggtji oentjoigemititj, genoatog oenotjig tepao eimotitjig, teloisig.

L'ECHO DE ST. FRANÇOIS
Revue Franciscaine publiée par les F.M. Capucins, rue Wellington 1062 Ottawa. Trimestrielle cette année, abonnement 25 sous.

—o—

NEPGIG.

Alasotmelseoanetj, Plisit Tji Góp, Tjan Góp oigmatja, GTJIGANG onamagig tetli npegag ponaneoimgeg nagoeg 1911 miaolagoeg, tetotjegag 26 tjel 5 tepgenoseliti Messig alames otgotaltimgeoei mesnegsep listogotjig elp 19 tes. tepp.

Tógó thlip tet nenoi telmot Mali lós Gópóg, nagla onitjantjtijjoa telgaltitita 20 tes. Setan. 1910

Ngotei Pelónigtjtijóg, Tjan Misel onitjana nepgenag sigóoigosóg 5